

# Ilis students dalla scola cantunala catolica da Mustér da 1833-1842

Autor(en): **Müller, Iso / F.M.**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **84 (1971)**

PDF erstellt am: **22.07.2024**

Persistenter Link: <https://doi.org/10.5169/seals-229713>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

# Ils students dalla scola cantunala catolica da Mustér da 1833-1842

da P. Iso Müller  
Versium rom. da F. M.

Da 1833 tochen 1842 ha la scola cantunala catolica giu sia dimora a Mustér. Il grond diember da scolasts seculars, principalmein ord la Tiaratudestga, haveva dau alla scola claustrala in tut auter character. Suenther che la scola cantunala ei vegnida translocada igl onn 1842 puspei a Cuera, ha la abbazia menau vinavon sia scola claustrala privata, che ha cuzzau entochen il barschament dalla claustra igl atun 1846. Ils scholars ord quei temps ein buca numerus e perquei alleghein nus els era cheu, denton signai cun ina steiletta avon lur num. Da 1846—1848 ha ei dau negina scola pli. Pér 1848/49 ha ina nova entschiet a sereghegljar e quella ha lu giugau ina impurtonta rolla da 1850—1856 sco schinumnada scola episcopala.

*Las fontaunas per nossa gliesta da students che vegnan en damonda ein:*

*RB* = Rechnungsbuch, in cudisch da quens naven da 1804.

*SR* = Studenten-Rodel, rodels da students naven da 1833.

*Kat.* = Kataloge, rapports annuals, stampai da 1837/1838 e 1839/1840. El rapport annual 1838/1839 mauncan ils nums dils scholars.

*Kaisereingabe* = Ina inoltraziun da biars scholars en favur da rectur Peter Kaiser, sut il datum dils 25 da mars 1838, che sesanfla egl archiv Latour a Breil. Igl archiv claustral a Mustér posseda ina fotocopia. La brev ei adressada ad Aluis Latour e cuntegn ver 70 nums da scholars. Apparentamein han enzacons scholars midau lièn lur prenums.

*Turner* = La gliesta dils commembers dalla uniun da gimnastica, che Josef Maissen ha tarmess ils 18 da november 1838 alla uniun da gimnastica federala. Ils 10 da mars 1839 communichescha el a nus puspei novas annunzias. Ils nums ein publicai en J. B. Masüger, *Leibesübungen in Graubünden*, 1946, pg. 255.

Ils documents ein pia fetg munglus e nus possedein buca registers da scolars, che indicheschan onn per onn ils nums e las classas. Els catalogs da 1837/38 e 1839/40 presentan bein in register cumplet dils scolars da quels onns, indicheschan denton buca la classa ch'els frequentavan. Sche in scolar cumpara pia els catalogs da 1837/38 e 1839/40, sche eis el probabel era staus cheu 1838/39, mo absolut segir ei quei era buc. Perquei ein ils datums indicai per il spazi da 1833—42 buca cumplets. Nus essan buca giustificai dad emplenir ruosnas, num che RB cuntegni certas indicaziuns. La «Kaisereingabe» dils 25 da mars 1838 di mo ch'ils students suttascrets erien alla scola la primavera 1838. Carteivel eran els duront igl entir onn scolar 1837/38 a Mustér. Il semeglient vala era per la gliesta dils commembers da gimnastica. Enqual scolar ha frequentau mo il semester d'unviern u da stad. Quei vegn indicau tras in W (Wintersemester) u tras in S (Sommersemester) suenter la cefra digl onn. Ei il scolar entaus pér il schaner, vegn el quintaus tiel semester da stad. Da biars scolars enconuschin nus ord il RB sulet il num da famiglia, denton buca il prenum. En quei cass vegn il prenum semplamein remplazzaus cun in N. Senumna il scolar forsa Nicolaus, ei igl entir num screts ora.

Las identificaziuns ein adina difficilas, cunzun cun nums aschi frequents sco Berther, Monn etc. Nus s'occupein sulet cun quels scolars, ch'ein pli tard stai d'entgina impurtonza en stat e baselgia u dils quals ei schai gia avon maun publicaziuns concernentas. Igl ei caussa dil historicher local, da determinar ils nums meins enconuschents. Per nossas identificaziuns vein nus citau savens: Simonet = J. J. Simonet, *Die katholischen Weltgeistlichen Graubündens*, 1920.

Ina lavur preparatorica per la suandonta gliesta ha gia il meriteivel archivar claustral P. Adalgott Schuhmacher († 1927) prestau, compilond ils nums dils scolars e lur annadas da scola. Per il temps da 1842—46 vein nus saviu sebasar sin sia lavur e surprender quella.

- \* *Alig (Ali) Christian Anton*, da Surrin Lumnezia. 1844/45, 45/46 (2. cl.). SR 202.
- Alli Antonio* da Mesauc. 1837/38, 38/39 W. SR 261; Kat. Kaisereingabe e Turner.
- Andrioli Victor* da Mustér. 1837/38, 1839/40. Kat. Victor Anselm Andrioli ei naschius a Mustér 1824 ed ei morts 1876. Disentiser Familienbuch pg. 145.
- Andrioli Vincenz* da Mustér. 1837/38. S. Kat.
- Arpagaus Johann Anton* da Sumvitg. 1834/35, 1835/36. SR 165. In Arpagaus dil medem prenum haveva gia 1828—31 studigiau a Mustér. Nies Arpagaus ha continuau ses studis a Friburg 1837 cun filosofia. Ual perquei eis el probabel identics cul mistral Gion Antoni Arpagaus da Sumvitg, mistral da 1844—48. Cun caschun dil barschament dalla claustra 1846 sco era dalla uiara separatista 1847 ha el giugau ina rolla malventireivla. Freiburger Geschichtsblätter 1957/58 pg. 125. Studien und Mitteilungen des Benediktinerordens 77 (1966) 106—114.
- Arpagaus Balthasar Fidel* da Cumbel. 1838/39. SR 403. In Arpagaus senza prenum secatta en Kaisereingabe. Schebein ei setracta da Balzer Fidel u dil suranumnau Gion Antoni, ei malsegir. Denton ei Balzer Fidel ella gliesta da gimnastica, Turner. El ha studigiau a Friburg la grammatica inferiura e mesauna. Freiburger Geschichtsblätter 1957/58 pg. 126. Naschius 1823, ordinaus 1849, ha pastoraus en divers loghens, morts 1896. Simonet 83. Crusch-fossa a Cumbel avon porta-pintga dalla Baselgia parochiala. Amicablamein communicau da plevon F. Maissen, Cumbel.
- Balgera Francesco* da Chiuro, Valtlina. 1834/35. SR 355. Chiuro schai denter Tirano e Sondrio.
- Baroschi N.* da Dardin. 1833/34. SR 299. Suenter ch'ils artists Baroggi da Roveredo han giu luvrau a Dardin, Vrin e Sevgein, ein els secasai a Dardin. Poeschel E., Cunstdenkmäler des Kantons Graubünden IV 121, 268, 376, 378—379.
- Baselgia Johann Sebastian.* December 1832 tochen ? SR 235—237. Schegie ch'ei vegn adossau ad el ina grammatica romontscha 1838, astgan ins tuttina buca dumbrar el tier ils scholars cun segirezia. Era maunca el els catalogs da 1838 e 40, schebein ch'el

sesanflava aunc 1843 e 1844 en claustra. Ses frars Giusep e Pieder vegnan allegai els quens.

*Baselgia Placidus Lorenz* da Sumvitg. 1831—1842. SR 183—188. Kat. Kaisereingabe. Turner. Naschius 1821, ordinaus 1846, ha pastorau sin divers posts, ei staus professor el seminari da S. Leci e pli tard alla scola claustrala, ha provediu liung temps il casti da Schluein, decan dil capetel sursilvan 1890, morts 1906. Simonet 54. HBLS II 30. Sias reminiscenzas ord il temps scolar a Mustér ein edidas en «Jahrbuch des historischen Vereins für das F. Liechtenstein» 63 (1966) 117—122.

*Bassetti Luigi* da Sesto Calende (Italia Sura al cantun meridional dil Lago Maggiore) 1839/40. Kat.

*Beck Johann* da Triesenberg, Liechtenstein. 1837/38 S., 1838/39 SR 281. Kat. In Johann Beck (1821—1897) ha surviu sco ugau-baselgia a Triesenberg. Bucher E., Pfarrei Triesenberg, 1962, S. 73.

*Beer Ludwig* da Tujetsch, 1835/36, 37/38, 38/39 W. SR 327. Kat. Fegl da statthalter Giachen Martin Beer. Bein identics cun Johann Beer en Kaisereingabe.

*Beer Sebastian* da Tujetsch. 1837/38. Kat. Kaisereingabe. Pli tard, 1840—48 scolar dalla grammatica, retorica e filosofia a Friburg. Freiburger Geschichtsblätter 1957/58, pg. 126. Naschius 1820, ordinaus 1850, ha pastorau en divers loghens, morts 1899. Simonet 143. Baseli Berther, Baseligias, capluttas e spiritualessen da Tujetsch, 1924, pg. 62.

*Berther Christian* da Sumvitg. 1837/38 W. Kat. Pervia da malso-gna extraus suenter examens permavauns.

*Berther Conrad* da Disla/Mustér. 1839/40. Kat.

*Berther Jakob* da Mustér. 1839/40. Kat. Naschius 1829, fegl da Mattias e d'Anna Maria Cresenzia Andres. Ha studigiau al gimnasi catolic da S. Gagl igl unviern 1846/47 ella 3. gimnasiala ed ei lu serendus a Lyon, morts 1880. Siu frar Placi ha era studigiau a Mustér. Mira sutvart. Bündner Monatsblatt 1969, pg. 126.

\* *Berther Jakob Anton* da Tujetsch. 1845/46. W. ella 1. classa.

*Berther Johann Baptist* da Mustér. 1837/38 Kat. Kaisereingabe, Turner.

*Berther Joachim* da Mustér. 1837/38. Kat. Kaisereingabe.

- Berther Martin Ludwig* da Trun. 1837/38, 1838/39, 1839/40. SR 313. Kat. Turner.
- Berther Paul* da Sumvitg. 1839/40. Kat. Schebein el ei identics cun Paul Berther da Sumvitg, che studiava 1846 e 1847 la grammatica inferiura e mesauna a Brig, naschius 1825, ei buca segir. Vallesia 1962, pg. 149.
- Berther Placidus* da Mustér. 1837/38, 1839/40. Kat. Kaisereingabe. Naschius 1825, fegl da Mattias e dalla M. Anna Cresenzia Andres, ha frequentau igl atun 1842 la 4. latina a S. Gagl. Morts la primavera 1843. Bündner Monatsblatt 1969, pg. 126.
- Bertossa (Bertossi) Anton* da Sumvitg. 1839/40, 1840/41, 1841/42. SR 254. Kat. Sco gia il num di, pudess la famiglia darivar da Grono (Roveredo), nua che la casa dalla famiglia Bertossa sesanfla. Poeschel E., Kunstdenkmäler Graubündens VI, 143.
- Bieler (Bieller) Lorenz* da Panaduz. 1834/35. SR 201. Arriguard il num a Domat mira Poeschel l.c. III, pg. 23 e Zinsli P., Walser und Volkstum, 1968, pg. 67, 279.
- Biscuolm Placi* da Sumvitg. 1835/36 S., 1836/37 1837/38, 1841/42. SR 161. Kat. El para dad esser staus denter 1848 e 1841 (1842) a Cuera sco candidat da scolast. Jahrbuch des historischen Vereins F. Liechtenstein 63 (1963) pg. 104.
- Blumenthal Anton von, Junker*. 1833/34. SR 259. Bein identics cun il mistral dalla Lumnezia dil medem num 1841 ed el cussegl grond 1850/51, darivonts da Surcasti.
- Blumenthal Johann Moriz* da Surcasti. 1838/39, 1839/40. SR 391 Kat. Gion Murezi Blumenthal, mistral en Lumnezia 1855, 1857, 1867.
- Bonalini Antonio* da Roveredo. 1837/38 und 1838/39.
- Bundi Johann Maria* da Medel. 1835/36 S., 1836/37 W. SR 99.
- \* *Bundi N.* da Medel. 1843/44, 1844/45. SR 189.
- Cabernard Ludwig* da Dardin. 1836/37, 1837/38. SR 230. Kat. Bein identics cun Johann Cabernard en Kaisereingabe.
- Cadalbert Jodocus (Gioder)* da Rueun. 1841/42 SR 195.
- Cadalbert Johann Julius* da Rueun. 1840/41, 1841/42, SR 194, 199.
- Caduff Matthias Anton* da Ruschein. 1841/42. SR 246.
- Cajacob Christian* da Compadials/Sumvitg. 1837/38 W. Kat.

- Cajacob Joseph* da Compadials/Sumvitg. 1837/38. Kaisereingabe. Forsa identics cul deputau J. Cajacob 1848 e 1849. Il Glogn 1944 pg. 109.
- Cajacob Franz* da Sumvitg. 1837/38. Kat. Turner. Pusseivlamein identics cun Anton Cajacob en Kaisereingabe.
- Camenisch Josef* da Tujetsch. 1839/40. Kat. Turner.
- Camichel Johann Anton* da Breil. 1841/42. SR 244.
- Candiani Pietro* da Busto, Italia Sura. 1839/40. Kat. Fetg probabel setracta ei da Busto denter Varese e Novara, occidental dil Ticino.
- Candinas Johann Baptist* da Mustér. 1837/38 und 1839/40. Kat. Kaisereingabe. Turner.
- Cantieni Johann Jakob* da Vaz/Obervaz. 1841/42. SR 173.
- Capaul J. Mathias* da Breil. 1835/36, 1836/37, 1837/1838/39, 1839/40. SR 217. Kat. Kaisereingabe. Turner.
- Capaul N.* da Sevgein. 1833/34. SR 307.
- Capeder Johann Anton* da Medel. 1832/33 tochen 1837/38. SR 203, 225—227. Kat. 1839/40 ha el fatg il noviziat ed ha pagau 190 F. 40 kr. SR 227. 1839 profess sco fr. Gregor, ordinaus 1842 ed ei staus moderator, decan ed econom, morts 1875.
- \* *Capeder Mathias* da Mustér. 1845/46 ella III. classa. 1848/49 ella classa III. «16 Jahre».
- \* *Caprez Conrad von*, Junker, da Trun. 1845/46 ella III. classa. SR 111.
- \* *Carigiet Basil* da Mustér. 1845/46 ella II. classa, 1848/49 ella III. cl. Naschius 1831 sco feagl da Ludivic (naschius 1801) e da Elisabeth n. Huonder, pli tard maridaus, siu sulet feagl ei serendius a London ed ei buca returnaus pli. Igl Ischi 45 (1959) pg. 12.
- Carigiet Benedikt* da Mustér. 1839/40. Kat. Naschius 1824 sco feagl da Ludivic e da Elisabeth n. Huonder, maridaus entuorn 1850 cun Luisa Caviezel. Igl Ischi 45 (1959) pg. 12.
- Carigiet C. Ludwig* da Mustér. 1837/38, 1839/40. Kat.
- Carigiet Conrad* da Mustér. 1837/38 und 1839/40. Kat. Kaisereingabe, Turner. Forsa identics cun Curdin Anton Carigiet, naschius 1819, emploiau da posta a Cuera, schuldau a Neapel e morts leu sco officier 1853. Igl Ischi 45 (1959) pg. 13.
- \* *Carigiet Christian* da Dardin. 1843/44. SR 206.

*Carigiet Jakob*. Kaisereingabe. Essend che in tal ei buca d'anflar ella gliesta da scholars da 1837/38, eis el forsa, schilunsch sco ei setracta buca dad in num fauls, identics cun C. Ludivic ni Johann Sebastian Carigiet.

*Carigiet Johann Baptist* da Mustér. 1837/38, 1839/40. Kat. Kaisereingabe, Turner. L'identitad cul grammatitist dil medem num da 1843 a Friburg ei buca segira. Freiburger Geschichtsblätter 1857/58, pg. 127. Johann B. Carigiet ei naschius 1823 sco feagl da giuncher Curdin e da Maritresa n. Soliva ed ei in frar da pader Baseli Carigiet. El ei staus professor da franzos a Petersburg, professor alla scola episcopala a Mustér, deputau ed ei sefatgs meriteivels per la restauraziun dalla claustra, morts 1910 Ischi 45 (1959) pg. 13—15.

*Carigiet Johann Sebastian* da Dardin. 1837/38, 1838/39 W. SR 253. Kat.

\**Casanova Johann* da Vrin. 1843/44, 1845/46 W. classa III. SR 319.

\**Casanova Peter Anton*. 1845/46. Classa II. Naschius 1836 a Sursaissa, 1849—54 ha el frequentau las empremas 4 classas dil gimnasi catolic a S. Gagl, filosofia a Nossadunnaun, teologia a Milaun (1857—59) ed a Cuera, ordinaus 1861, ius tier igl uestgiu da S. Gagl, essend ch'el era in nevs digl uestg Mirer, plevon a Henau, catechet a S. Gagl, plevon dil marcau da Rapperswil, morts 1899. Simonet 255. Jahresbericht der hist.-ant. Gesellschaft von Graubünden 95 (1965) 58. Bündner Monatsblatt 1969 pg. 127.

*Casaula Balthasar* da Lumbrein. 1832/33, 1833/34. SR 215—216.

*Casaula N.* da Sevgein. 1833/34. SR 212.

\**Castell Johann Georg* da Rabius. 1845/46 S. Classa I.

*Cathieni N.* da Fallera. 1833/34. SR 227.

*Cathomas (Cathomen ?) Stephan Ludwig* da Breil, 1841/42. SR 242.

*Cavelti Florin* da Sagogn. 1833/34, 1837/38, 1838/39. SR 309—310. Kaisereingabe, Turner. Pusseivel fuss ei ch'el vess studigliau denter 1836—37 a Lucerna, nua ch'ei cumpara in Florian Cavelti da Sagogn. Bündner Monatsblatt 1966, pg. 107.



- \* *Cavegn Christian* da Surcuolm. 1845/46 S. Classa I.
- Cavegn Christian* da Dardin. 1837/38, 1838/39. SR 137. Kat. Turner. Bein identics cun Cavegn Mathias en Kaisereingabe.
- \* *Cavegn Thomas* da Tujetsch. 1845/46 en classa I.
- \* *Cavi Giulio* «dellas Favernas». 1842/43. SR 205. Favernas ei forsa Faverga el sid-ost da Belluno denter las Dolomitas e las Alps Venezianas.
- Cavigelli Anton* da Siat. 1839/40, 1840/41, 1841/42. SR 163. Kat.
- Cavigelli Florin Anton* da Siat. 1841/42. SR 198.
- Condrau Benedikt* da Mustér. 1837/38, 1839/40. Kat. Kaisereingabe. Benedikt Michael Condrau ei naschius 1824, feagl dil mistral Gion Fidel e dalla Castgina n. Bundi. Annalas 80 (1967) 23.
- Condrau Placidus* da Mustér. 1835—40. Attestats e Kat. Autur dalla Kaisereingabe dils 25 da mars 1838. Feagl dil mistral Gion Fidel Condrau e da Castgina n. Bundi, naschius 1819, studis a Minca 1840—42 ed a Bonn 1842/43, professor alla scola cantunala catolica a Cuera 1843—50, alla scola episcopala a Mustér 1850—56, redacter, morts 1902. Sur dad el mira Annalas 80 (1967) 22—50 sco era Iso Müller, Rektor Peter Kaiser, Charakteristik aus Dokumenten 1838—42. Jahrbuch des Historischen Vereins des F. Liechtenstein 63 (1963) 71—74, 125—129.
- Danuser (Tanuser) Anton* da Mastrilserberg. 1836/37, 1837/38. SR 335. Kat.
- Darms (von Arms) Johann Michael* da Sursaissa. 1835/36 (attestat d'ina classa mesauna tudestga) e 1837/38. Kat. Kaisereingabe.
- Decurtins Anton* da Trun. 1834/35, 1835/36, 1836/37, SR 280. Forsa Anton Decurtins, naschius 1819, president communal da Trun 1857—67, deputau, mistral 1871—73, morts 1909. Glogn 1944, 111.
- Decurtins Florin* da Trun. 1839/40. Kat. Naschius 1828, ha frequentau la 2—4. latina 1844—47 a S. Gagl, studigiau al Germanicum a Ruma, dr. teol., ordinaus 1854, prof. a Mustér, caplon campester en survetschs papals, caplon dalla guardia svizzer 1862/63, ha lu pastorau a Rabiis ed a Vaduz, resignat a Trun da 1873 tochen sia mort 1901. Simonet 70. Paul Krieg, Die Schweizergarde in Rom, 1960, pg. 421. Bündner Monatsblatt 1969. pg 127.

- Decurtins N.* da Campliun/Trun. 1834/35, 1835/36, 1836/37.  
SR 283. Siu prenum vegn buca allegaus els quens.
- \* *Deflorin Ulrich* da Tujetsch. 1845/46 en classa II.
- Degonda Johann Georg* da Sumvitg. 1840/41, 1841/42. SR 178.
- Deplazes N. Anton* da Surrein/Sumvitg. 1835/36 S. 1837/38. SR 167. Kat.
- Depuoz Josef Christian* 1833/34. Naschius 1819 a Siat, feagl da mistral Tschamun Fidel e da M. Urschla Weckher, frar dil Gion Fidel, va 1829 a S. Leci a Cuera, lu a Mustér, 1834/35 a S. Pieder (Feldkirch), lu ad Innsbruck e Vienna. Ingenier, morts 1885. Magna Monssen, Die Ilanzer Schwesternkongregation, 1950, pg. 44—45. Montfort 1962 pg. 109.
- Depuoz Simon* da Siat. 1841/42. SR 193. Naschius 1824, feagl da mistral Tschamun Fidel e da M. Urschla n. Weckher, frar digl Josef Christian e da Gion Fidel, ha studigiau igl empren 1838/39 e 1839/40 la 1. e 2. grammaticala a S. Pieder, ha continuau a Mustér ed a Cuera, 1846 filosofia a Friburg, 1847 giurisprudentscha a Bonn, maridau 1857 cun M. Barbara Luidgarda de Blumenthal da Vella, morts 1867 cun 42 onns da epilepsia. M. Monssen, Die Ilanzer Schwesternkongregation, 1950, pg. 45 s. e Freiburger Geschichtsblätter 1957/58 pg. 129 e Montfort 1962 pg. 109.
- Derungs N.* 1841/42. SR 252.
- Desax N.* 1833/34 RB 98.
- Dosch Josef* da Vaz/Obervaz. 1839/40 W. Kat.
- Durgiai Johann Baptist* da Mustér. 1833/34 tochen 1840/41. RB 138. Kat., Kaisereingabe. Feagl dil Caspar Antoni, frar da Pieder Antoni.
- Durschei N. e N.* da Mustér. Fegls da Hans Gieri Durschei, omisdus ein segir alla scola 1834/35, in 1835/36 e 1836/37. RB 116—118.
- Eberle N.* da Vaduz. 1840/41 SR 346. Buca dad identificar.
- Falck Andreas* da Schaan. 1837/38 S., 1838/39. SR 345. Kat. Naschius 29 da december 1817, feagl dad Andreas Falck e d'Anna Maria Hilti, maridau 1849 cun Salome Walser. El ei staus assessur ella dertgira da Liechtenstein a Vaduz ed ei morts 1898. Familienbuch Schaan, pg. 30. Familienbuch Vaduz pg. 22. Igl onn

- dalla mort ha indicau a nus resignat Fridulin Tschugmell, *Triesen*.
- Fontana Johann Franz* da Camuns. 1840/41, 1841/42. SR 169. Franz Dominik Fontana ei naschius 1822, ha studigiau a Milaun 1847—49, filosofia a Monza ed a Milaun 1847—49, ordinaus 1851, plevon a Pleiv, canoni, morts 1887. Simonet 127 e Jahresbericht der hist.-antiquar. Gesellschaft von Graubünden 95 (1965) 57.
- Frisch N.* da Zignau. 1833/34. SR 285.
- Frizzi Johann Jnnocenz* da St. Vittore (Mesauc) 1837/38, 1838/39 SR 295. Kat., Kaisereingabe.
- Fuchs N.* da Trimmis. 1835/36, 1836/37. SR 356.
- \* *Fry Josef Lorenz* da Mustér. 1845/46 W. en classa I. 1848/49 en cl. III.
- Fry Stephan Anton* da Sumvitg. 1831/32, 1832/33, 1833/34, 1834/35 W. SR 159—160.
- \* *Gadola Christof* da Chiavena. 1845/46 S. en classa I., lu ella preparanda 1849/50, 1850/51, ella reala 1851/52, 1852/53 W.
- Galin Johann Peter* da Brinzeuls. 1838/39. SR 267.
- Gamboni Peter* da Augio/Calanca. 1837/38, 1839/40 Kat. Kaisereingabe.
- Geiger Alexius* da Medel. 1837/38, 1839/40 W. Kat. Kaisereingabe. Leutier aunc in attestat per la 2. classa gimnasi 1837/38. Forsa eis el identics cun Josef Geiger (Giger) da Medel, che cumpara ils 18 da nov. 1838 sco gimnast.
- Geiger (Giger) Jakob* da Mustér. 1837/38. Kat. Kaisereingabe. Naschius 1810, studigiau 1840/43 a Sion retorica e filosofia, ordinaus 1844, sin parvenda a Degen, Dardin, Surcuolm, Surrein e Sedrun. Morts 1902, Simonet 68. Vallesia 1962 pg. 138 s.
- Genelin Adalbert* da Laus/Sumvitg. 1837/38. Kat. Kaisereingabe 1849/50 II. «Alter 26».
- Genelin Johann* da Mustér. 1839/40, Kat.
- Genelin Paul Benedikt* da Mustér. 1837/38, 1838/39, 1839/40, SR 303. Kat. Kaisereingabe, Turner. Naschius 1819, feagl da Bistgaun Andriu, noviziat a Mustér 1841/42, ha lu studigiau a Milaun 1842—47 filosofia e teologia, ordinaus 1847, staus sin parvenda e lu era professor a Mustér, morts 1907. Jahresbericht

der hist.-ant. Gesellschaft v. Graubünden 94 (1964) 16 e 95 (1965) 57.

\* *Gieriet Alois* da Tujetsch. 1845/46 en classa I. Darivonts da Camischolas, ha studigiau 1849—52 a Brig tochen alla 5. cl. Vallesia 1962 pg. 149 s.

*Gieriet N.* da Tujetsch. 1840/41 e 1841/42. SR 397.

*Gieronimi Donat e Peter* da Chiavenna. 1837/38, 1838/39, 1839/40, 1840/41. W. SR 373, 381. Kaisereingabe. «Geronimo Peter». La famiglia Geronimi ei immigrada dalla Val. S. Giachen denter Spligia e Chiavenna en Surselva, 1815 a Trun. F. Maissen, 300 onns baselgia parochiala S. Martin, Trun 1963, pg. 51. K. Fry, Kaspar Decurtins I (1949) 86 s.

*Guetsch Peter* da Savognin. 1837/38, 1838/39. SR 315. Kat. Kaisereingabe.

\* *Heini Paul Franz* da Val S. Pieder. 1845/46 W. en classa II. SR 113.

*Held Jakob* da Zezras. 1836/37, 1837/38. SR 277 (da Trimmis), Kat. Da distinguer dad Anton Held da Zezras, che studigiava a Lucerna ed a Faveras. Bündner Monatsblatt 1966 pg. 108.

*Henni Caspar* da Sursaissa. 1839/40, Kat.

*Henni Caspar Anton* da Sursaissa. 1840/41. SR 276 Identics cun Caspar Henni?

*Huonder Johann Baptist* da Mustér. 1837/38, 1839/40. Kat., Kaisereingabe.

*Huonder Johann Anton* da Mustér. 1837/38, 1839/40. Kat. Kaisereingabe. Naschius a Segnas 1824, frequentau a S. Gagl la 2—5. latina 1841 (avrel) —1845. Sefatgs renomaus pli tard sco poet naziunal-romontsch., morts 1867. Bündner Monatsblatt 1969 pg. 129.

*Huonder Conradin* da Mustér. Cumpara sco gimnast 1838. Turner. Forsa identics cun Joh. Baptist Huonder.

*Huonder Thomas*. 1837/38, 1839/40. Kat. Kaisereingabe. Apparentamein buca identics cun Thomas Huonder ch'ei 1837—41 a Brig alla retorica, filosofia e fisica. Vallesia 1962 pg. 146 s. Quest davos ei probabel il regens da pli tard e decanatedral, naschius 1818, ordinaus 1846, morts 1898. Mayer J. G. St. Luzi, 1907, pg. 151 s.

*Jagmet Josef* da Tujetsch. 1839/40, 1840/41. W. SR 157. Kat.

*Jagmet Josef Anton*. 1833/34. SR 279.

*Janka N.* da Sursaissa. 1840/41. SR 275. Bein identics cun Christian ni Peter Janka, che frequentavan 1843—46, resp. 1846—47 la reala a S. Gagl. Bündner Monatsblatt 1969 pg. 134.

*Jehli Johann* da Planken/Liechtenstein. 1837/38. Kaisereingabe. Naschius ils 25 da mars 1820, feagl d'Alexander Jehli e d'Anna Maria n. Frick. Ha operau sco litograf e scolast. Morts gia ils 14. da november 1855, mat da 35 onns. Familienbuch Schaan ed amicabla communicaziun da resignat Fr. Tschuggmell, Trisen.

*Jenni Johann* da Vaduz. 1838/39, 1839/40, 1840/41. SR 344. Naschius 1823 sco feagl da Johann Nepomuk Jenny, ei staus sco siu bab en survetsch dil prenci sco bostger a Rumburg en Bohemia, morts 1895. Amic. Comm. da bibliotecar R. Allgäuer, Vaduz.

*Lang Anton e Ludwig* da Cazas. Omis dus frars ein stai 1837/38 a Mustér, 1838/39 mo pli in dad els. SR 192. Kat. En Kaisereingabe figureschan omis dus sco Lang Johann e Josef.

*Latour Caspar* da Breil. 1838/39, 1839/40, 1840/41, 1841/42. SR 349—350. Kat. Naschius 1827, feagl da general Caspar Teodosi e da Maria Anna Francisca Balletta, gimnasi a Mustér ed alla scola cant. cat. a Cuera. 1848 sesanfla el en survetschs papals, deputau a Cuera 1850, sco tal intervegniu per la uniun dallas scolas cat. e reformada cantunala, 1853/54 mistral dalla Cadi, cusseglier dils cantuns 1854, cusseglier naziunal 1857, morts 1861 sco vicepresidente dil cussegl naziunal. Cun siu quinau Aluis Latour, il menader dils liberals sursilvans, era el amitg da cusseglier federal Stämpfle. E. Gruner, Die Schweizerische Bundesversammlung 1848—1920. 1966 pg. 618 s.

*Latteltin N.* da Peiden. 1834/35. SR 363. Ei setracta cheu da Peter Placi Latteltin, naschius ils 11 da fenadur 1820 e maridus ils 10. da fevrer 1845 cun Onna Maria Derungs da Gion Tieni dad Uors, uclaun Rungs, Lumnezia, morts gia ils 12 d'uost da quei onn 1845, da clamada «Färber». El era sulet feagl da Antonio Latteltin, darivonts dil Piemont, maridus cun Onna Barla Arpagaus, secumpraus en a Peiden ils 6 da fevrer 1831. Amic. comm. da mistral Bundi, uffical civil, Peiden, dils 19. da sett. 70.

*Lavizzari Johann Baptist* da Giubiasco/Tessin. 1837/38, 1838/39. SR 143. Kat., Kaisereingabe. Turner.

- Lipp Kaspar* da Untervaz. 1836/37, 1837/38. SR 337. Kat.
- Livers Johann Plazi* da Breil. 1841/42, 1843/44, 1845/46 classa III. SR 243—244.
- Luz A. Conrad* da Mustér. 1837/38, 1839/40. Kat. Kaisereingabe.
- Maissen Anton* da Mustér. 1839/40. Kat.
- Maissen Johann Baptist I.* da Mustér. 1837/38, Kat. Kaisereingabe.
- Maissen Johann Baptist II.* da Segnas. 1837/38, 1839/40. Kat. Kaisereingabe.
- Maissen Josef* da Compadias. Kaisereingabe, Turner. Naschius 1820. Entraus el noviziat 1841/42, il qual el ha denton bandunau. 1847 caplon a S. Martin/Sursaissa e pastorau en plirs loghens, morts 1891. Simonet 76. Chronica Monasterii IV pg. 11, 13. Masüger J. B., Leibesübungen in Graubünden, 1946, pg. 255 (Turnverein).
- Mambrino Josef* da Sesto Calende. 1839/40. Kat. Dil medem temps era aunc Bassetti da Sesto Calende a Mustér. Mira sura.
- Manetsch Fidel* da Mustér. 1839/40. Kat.
- Monn Fidel.* Kaisereingabe. El sto esser identics cun in u l'auter dils suondonts Monns, essend ch'igl ei d'anflar 1837/38 negins scolars cul num Fidel Monn alla scola. Comp. Thomas Monn da Mustér.
- \* *Monn Jakob* da Mustér. 1845/46 en cl. III. 1846/47 1. reala a S. Gagl, morts ils 27 da fevrer 1847. Bündner Monatsblatt 1969 pg. 13.
- Monn Johann Baptist* da Mustér. 1837/38. Kat.
- Monn Josef* da Mustér. 1837/38. Kat. Kaisereingabe. RB 40, tenor quel feagl da Johann Monn. Bein identics cun Josef Antoni Monn da Mustér, naschius 1818 profess sco fr. Ursizin 1839, ordinaus 1841 e morts 1856. Ad el udeva il «Praemium der katholischen Kantonsschule für J. A. Monn von Disentis», dataus ils 3 da settember 1834, cuntenend: Corneli Nepotis Vita Imperatorum (Frankfurt a. M. 1829) e medemamein in auter da 1835 cun «Caesaris Commentarii de bello Gallico et civili (Leipzig. 1829). Tenor quei fuss Josef Monn staus scolar gia dapli 1833.
- Monn Ludwig* da Mustér. 1839/40. Kat.
- Monn Thomas* da Mustér. 1837/38. Kaisereingabe. Thomas Fidel Monn, naschius 1820, profess sco fr. Sigisbert 1839, ordinaus 1843, pli tard secularisau, morts 1899. Simonet 150.

- Monn Thomas* da Tujetsch. 1837/38, Kat. Kaisereingabe.
- \* *Monn Vigil* da Tujetsch. 1845/46 W. en classa I.
- Motto Casparo* da Mesauc. 1836/37, 1837/38, 1838/39. SR 145—146. Kat. Cumpara sco gimnast 18. Nov. 1838. Turner.
- Mucli Johann* da Mustér. 1837/38. Kat.
- Mucli Lucius I.* da Tujetsch. 1837/38 W. Kat., Kaisereingabe.
- Mucli Lucius II.* da Tujetsch. 1837/38 W. Kat. In *Mucli Lucius Anton* da Surrein/Tujetsch ei vegnius 1838 scarvon da cumin. Glogn 1944, pg. 108.
- Müller Anton* da Ruswil 1839/40. Kat. Naschius ils 14 da november 1828 a Ruswil, fegl dil miedi Josef Müller e da Karolina Schmid. Ad el ed el medem temps a siu frar Joseph Müller han ins tschentau ora in scret da patria ils 8. da november 1842 (Jos. M. naschius ils 26 d'uost 1827). Ils 24 da schaner 1845 ha era lur frar Ludwig Müller (naschius ils 23 da dec. 1832) survegniu in certificat da patria, el qual ei vegn notificau, che quel habitavi lu a Cuera. Els registers da famiglia da Ruswil ei la famiglia Müller buca pli d'anflar. Amic. Comm. da T. Bättig, ufficial civil a Ruswil.
- Müller N.* da Surrein. 1840/41, 1841/42. SR 255. Igl ei buca segir schebein ei setracta da Josef Müller, naschius 1827 e frar dil suranumnau Anton M. da Ruswil.
- Nutt Georg* da Mustér. 1837/38 W. 1839/40. Kat. Kaisereingabe. Naschius 1824 a Mustér/Clavaniev, ha frequentau la 2—5 latina al gimnasi cat. a S. Gagl da 1841—1845, matematica a Minca e dapli 1848 scolast alla scola cantunala catolica a S. Leci Cuera. 1850 — 1865 scolast alla scola cantunala unida a Cuera, 1872—1886 scolast alla scola cantunala a Zug. Collaboratur agl «Amitg dil Pievel» (conservativ) e lu redacter principal dil «Grischun» (liberal). Morts 1886. Bündner Monatsblatt 1914 pg. 49 e 1969 pg. 130 s. G. Gadola, Historia dalla schurnalistica sursilvana, 1928 pg. 65, 87 s. 102, 107—109, 185 s. (separat ord Ischi, tom 21). G. Gadola, 150 onns scola cantunala, 1954, pg. 10 s. (separat ord Gasetta Romontscha).
- \* *Pally Johann Martin* da Medel. 1845/46 en classa I.
- Pedretti Johann* da Chiavenna. 1839/40. Kat.
- Pfister Caspar* da Schlans. 1837/38 W. SR 218. Kat. Kaisereingabe.

- Pfister Jakob Lorenz* da Schlans. 1837/38. SR 219. Kat. Kaisereingabe.
- Philipp Georg* da Casti. 1840/41. SR 213.
- Pizzetti Johann Baptist* da Lostallo/Mesauc. 1836/37, 1837/38, 1838/39. SR 274, Kat. Kaisereingabe.
- Poglia (Poglio) Thomas* da Luorscha/Val Blegn. 1838/39, 1839/40. SR 245. Kat.
- Pool Johann Baptist* da Savognin. 1837/38, 1838/39. SR 316. Turner. El para da haver empriu pli tard a Cuera da scolast. Jahrbuch des hist. Vereins F. Liechtenstein 63 (1963) 104.
- Rensch Jakob Anton*, 1836/37. SR 129—130. Naschius 1811, fegl dil mistral Giachen Christian Rensch da Zignau, fatg il noviziat 1837/38, profess 1838 sco fr. Benedetg. Ordinaus 1841. P. Benedetg era in nevs digl avat Adalgott Waller. Da sia famiglia ha P. Benedetg survegniu 1842 sco davosa dota 1000.— fl. Morts 1860.
- Rensch Jakob Matthias*. 1831/32, 1832/33, 1833/34. SR 127. Schebein identics cul sura Jakob Anton ?
- Rensch Mathias* da Zignau. Vuleva entrar ella uniun da gimnastica la primavera 1839. Aschia Masüger, Leibesübungen S. 255, che scriva Beusch, segiramein in sbagl da stampa. Amic. Comm. da plev. F. Maissen, Cumbel.
- Riedi (Jakob Lorenz)* da Tujetsch. 1833/34 S., 1834/35, 1835/36, 1836/37. SR 271, Naschius 1820 a Rueras, studigiau 1838—42 grammatica, syntax e retorica a Friburg, 1842 a Milaun, nua ch'el ha studigiau dus onns filosofia e treis teologia, ordinaus 1847, ha pastorau a Rueras, Surcasti, Vrin ed a Trun, morts 1884. Simonet 178, Berther B. Baselgias, Capluttas e Spiritualessen da Tujetsch, 1924, pg. 61 s., tenor il qual el fuss staus mo dus onns alla scola cant. a Mustér. Cheutier Freiburger Geschichtsblätter 1957/58 pg. 125 e Jahresbericht der histor.-antiquar. Gesellschaft von Graubünden 95 (1965) 57.
- Rinaldelli Luigi* da Luorscha/Val Blegn. 1837/38 S. 1838/39, 1839/40. SR 333—334, Kat. Forsa fegl u silmeins parents cun Pietro Rinaldelli, president dil Tribunale e dalla Pretura a Luorscha 1826—40. G. Bolla, La storia di Olivone, 1931 pg. 256 s.



- Rheinberger Alois* da Vaduz. 1839/40, 1840/41. SR 340. Kat. Naschius ils 5 da zercladur 1827 a Vaduz, che udeva lu aunc entochen 1837 alla pleiv da Schaan, feagl da Josef Ferdinand Rheinberger (morts 1853) e d'Anna Maria n. Schneider. Sco siu bab eis era el setratgs 1847 ella America, morts 1915. Familienbuch Vaduz pg. 133 e cudisch da batten Schaan tier 1827. Leutier amic. comm. da resignat Frid. Tschugmell, Trisen.
- Rheinberger David* da Vaduz. 1837/38, 1838/39, 1839/40, 1840/41. SR 341—342, Kat. Kaisereingabe. Naschius 1823, feagl da Johann Peter Rheinberger e da Maria Hilti. Suenter la mort da quella ha Rheinberger maridau Maria Elisabeth Carigiet, la feglia da mistral G. L. Carigiet, che ha schenghegiau la veta al musicher Josef Rheinberger (1839—1901). David Rheinberger ei staus secretari guvernativ ed ei restaus entochen sia mort 1889 en survetsch dil prenci. El ha scret «Landeskunde des Fürstentums Liechtenstein», 1876, reedida 1884 e 1898. Amic. comm. da bibliotecar R. Allgäuer, Vaduz. Comp. Ischi 45 (1959) pg. 10.
- Rosetti Andreas* da Biasca/Tessin. 1838/39 e 1839/40. SR 305, Kat.
- Rudolf Fidel* da Mustér. 1837/38 Kat. Kaisereingabe.
- Rudolf Ludwig* da Mustér. 1837/38. Kat. Kaisereingabe.
- Schrofer Peter* da Trimmis. 1835/36 S. 1836/37, 1837/38. SR 179. Kat. 1834—1836 ha Schrofer studigliau a Sion retorica e l'entschatta da filosofia. Cun quei ch'el cumpara per il fevrer 1836 a Mustér, astgan ins patertgar ch'el seigi identics. Vallesia 1962, pg. 138. Caplon a Trimmis 1840, ha lu aunc operau a Domat 1841 ed ei lu serendus ad Altstätten, nua ch'el ei morts. Simonet 55, 193.
- Schuler (Schuoller) Jakob* da Mustér. 1837/38. Kaisereingabe. Forsa tuttina identics cun Jakob Christian Schuler da Danis, naschius 1817, profess 25 d'uost 1839 sco fr. Augustin, ordinaus 1841, morts 1883.
- Schwarz Anton* da Sursaissa. 1833/34, 1835/36. SR 204. Naschius 1814, pli tard studigliau a Schwyz ed ad Augsburg, ordinaus 1841, caplon a Cazas e pli tard professor a Mustér, morts 1853. Simonet 257.
- Sgier Johann Julius* da Vignogn. 1836/37, 1837/38, 1838/39, 1839/40. Kaisereingabe. Turner. Mira era Kat. e SR 331. Naschius 1820, 1844 scolast per tudestg e lungatgs vegls alla scola

cant. catolica a Cuera, nua che el ha era operau suenter la uniun dallas duas scolas cantunalas 1850 tochen sia mort 1866. Collaboratur alla gasetta liberala «Il Grischun». J. Bazzigher, Geschichte der Kantonsschule, Chur, 1904, pg. 204 s. G. Gadola, Historia dalla schurnalistica sursilvana, 1928, pg. 88, 186 (sep. ord Ischi, tom 21). G. Gadola, 150 onns scola cantunala, 1954, pg. 10 (sep. ord Gasetta Romontscha) J. B. Masüger, Leibesübungen in Graubünden, 1946, pg. 215, 255.

*Sialm Placidus* da Segnas. 1837/38 S. Kat.

*Solari Martin* da Luorscha/Val Blegn. 1838/39, 1839/40. SR 249. Kat.

*Soler N.* da Schluein. 1838/39, S. SR 383.

\* *Soliva Johann Anton* da Tujetsch. 1845/46 W. en classa I. 1850/51.

*Spescha Jakob* da Andiast. 1838/39, 1839/40 W. SR 405, Kat.

*Stiefenhofer Karl*, da Mustér. 1837/38, 1839/40. Kat. Kaisereingabe. Turner.

*Tambornino Joseph Anton*. 1833/34. RS 221. La familia Tambornino a Trun dariva dil Piemont. F. Maissen, 300 onns baselgia parochiala S. Martin, Trun, 1963, pg. 51. 1837/38 ha Tambornino frequentau la 1. reala a S. Gagl. Bündner Monatsblatt 1969, pg. 135.

\* *Tuor Benedikt* da Rabius. 1845/46. S. en classa I.

*Thuor Caspar* da Breil. 1835/36, 1836/37. W. SR 222.

*Thuor Michael* da Sumvitg. 1838/39. SR 308.

*Tschuor J. Christian* da Degen 1837/38, SR 263 cun la surscripziun: «Tschuor da Lugnezia», Kat. 1837/38: «Tschuer J. Christian von Igis». Kaisereingabe: «Tschuor Johann».

*Tschupina N.* da Rueun. 1833/34. Sr. 229.

*Valentini Franz* da Ponte, Val Blegn, Tessin. 1840/41, 1841/42. SR 329, 467.

*Valier N. e N.* da Tavanasa. 1840/41, 1841/42. SR 257.

*Vieli Anton* da Razen. 1835/36. S., 1836/37, 1837/38. SR 347, Kat. Kaisereingabe. Forsa identics cun Otto Anton Domenig Vieli, fegl da Balthasar Vieli († 1845) e da Barbara n. Caprez, naschius 1822, litinent en survetschs neapolitans, morts a Palermo dalla colera 1854. Schweizerisches Geschlechterbuch 10 (1955) 543.

\* *Vincenz Franz* da Mustér. 1845/46 S. en classa I. Sur la famiglia Vincenz mira Schweizerisches Geschlechterbuch 5 (1933) 936—943, sco era Ischi 50 (1964) 89. Perinaga selaien nos students buca identificar.

*Vincenz N. e N* da Siat. Junker. In dad els era 1834/35 e 1835/36 W. a Mustér, l'auter mo 1835/36 W. SR 197.

*Vincenz N.* da Siat. 1838/39. SR 251.

*Vincenz N.* da Schlans. 1834/35 S. SR 367.

\* *Vincenz Ursizin* da Mustér. 1845/46 en cl. III. Ei setracta bein dad Ursizin Vincenz, feagl da Balthasar Josef de Vincenz (1789—1853), darivonts da Siat, a Mustér e da sia secunda consorta Maria Magdalena Huonder. Cp. Sprecher, Sammlung rätscher Geschlechter, 1847, pg. 230.

*Vogel Aloys* da Zezras. 1834/35, 1835/36, 1836/37. SR 359—360.

*Wenzin Thomas* da Tujetsch. 1839/40. Kat.

*Wolf Johann* da Untervaz. 1836/37, 1837/38, 1838/39. SR 339, Kat. Turner 10 da mars 1839.

*Wolf Franz Anton* da Trun. 1833/34. SR 155, 265.

Sche nus abstrahein enzacons numns dubius, sche arrivein nus sin igl andant diember da 173 scolars en quels nov onns da 1833—1842. Quei ei absolutamein dapli che quei ch'ins ha dumbrau avon, duront bunamein treis decennis, da 1804—1833 (243). Enzatgei dapli che la mesadad, numnadamein 95 ein dalla Cadi. La Lumnezia seprenta cun 9 scolars (Arpagaus, 2 Blumenthal, Casanova, Casaulta, Fontana, Latteltin, Sgier, Tschuor). Mesauc/Calanca termetta sis dils ses (Alli, Bonalini, Frizzi, Gamboni, Motto, Pizzetti). A quels scolars da lieunga taliana ein aunc siat Tessinès da dumbrar (Lavizzari, Lazari, Poggia, Rinaldelli, Rosetti, Solari, Valentini). Directamein ord l'Italia Sura vegnan puspei siat dèls (Balgera, Bassetti, Candiani, 2 Geronimi, Mambrino, Pedretti). Sco naturalisai Grischuns considerein nus Baroschi e Tambornino. Senza quels dumbrein nus 21 scolars da lieunga taliana. Buca mo dall'Italia vegnan ils scolars digl exteriur, era dil Principat da Liechtenstein, che seteneva da gliez temps aunc fetg cun la Austria imperiala. Cun quei ch'il recter Peter Kaiser era sez da Liechtenstein, sedeclara senza auter era il triep da siat scolars da leu. (Beck, Jehli, Jenny, Eberle, Falck, 2 Rheinberger).

En comparegiazion cun 1804—1833 ei la cumposiziun dils students bia pli universal. Lu darivavan treis quartas dalla Cadi, ussa mo biabein la mesadad, lu ein mo treis vegni dil Grischun-Italian, e quater dil Tessin, ussa sis e siat. Liechtenstein e l'Italia Sura han pér ussa tarmess ses representants a Mustér, en tut 14 scholars. Quella expansiun dariva da cheu, che la scola era buca pli ina scola privata claustrala, mobein ina instituziun cantunala. Empau ha ei era gidau, essend ch'ils temps ein daventai suenter la pasch da Vienna empau pli pacifics.

Cun quei che la scola era en in cert senn vegnida «statalisada» e haveva era pli bia professors laics, prevalevan las schi-numnadas clamadas secularas. Dils 173 students, han mo c. 15 elegiu la clamada sacerdotala, pia  $\frac{1}{12}$ , ferton che pli baul era ei  $\frac{1}{6}$  (43 da 240 students). Da quels 15 teologs ein 5 entrai en claustra a Mustér, pia ina tiarza part, ferton che quella proporziun muntava pli baul ina quarta part (10 da 43). Sto esser ch'il stan da spiritual secular veva buca tonta tratga pli. La fatscha pli seculara dalla scola da 1833—1842, plinavon las buca adina ventireivlas relaziuns denter professors claustrals e laics e las metodos empau pli novas da quels, ei stau l'empudientscha, ch'ins ha giudicau differentamein sur l'entira anteriura scola cantunala a Mustér.

Il pli negativ pareri ha P. Adalgott Berther, che scriva ils 5 da settember 1841 agl avat da Nossadunnaun: «Sechs junge Professoren haben wir, die in diesem famosen Institut erzogen sind, die — soll ich es sagen, Gott schone meiner — fast in allem den unglücklichen Pfäferser Patres ähnlich sind». (A SF (33) 21) Paucs onns pli tard, ils 28 da fenadur 1844 scriva el al cancelier episcopal a Cuera e selamenta petrainein sur da quella «instituziun radicala e libertina» («radikale und freigeistige Einrichtung»). Ella seigi vegnida instituida mo entras ils sforz da P. Adalbert Baselgia e da P. Maurus Rothmund. Ils fretgs vesien ins vid P. Martin Andrioli e P. Ursizin Monn. La brev discuviera denton era la fleivlezia digl avat Adalgott Waller ed inculpescha aunc auters. (BAC, mappa claustra Mustér). Il pareri da P. Adalgott sereferescha sigl entir svilup, che veva entschiet gia avon l'introducziun dalla scola cantunala e ch'ei lu ius vinavon, buca senza essenziala cuolpa digl avat Adalgott. (Cp. Jahresbericht der histor.-antiquar. Ges. von Gbd 94 (1964) 14—18, 27—30, 33—35). Il giudicat da P. Adalgott Berther ha bein era

influenzau quel dil prevostatedral Jakob Franz Riesch, che ha scret ils 21 da schaner 1846 a P. Gall Morel: «Die schlimmsten sind die Jüngsten, die aus der radikalen Kantonsschule hervorgegangen sind. An ihrer Spitze steht P. Martin Andrioli». (A SF (34) 7).

Da l'otra vart ei la abbazia sefatga entras sia surventscheivladad meriteivla dalla engrazieivladad dil cantun. Gia alla festivitad da conclusiun digl onn scolar 1842 ha «Bundestatthalter» Ludwig Vieli punctuau: «Wahrlich werden die Sympathien, welche Ihr Kloster durch seine vaterländische und wohlthätige Haltung in den Herzen eines jeden Patrioten hervorruft, für die Fortexistenz Ihres Klosters bessere Garantien darbieten als alle Verfassungsartikel.» (Chronica Monasterii II. p. 137—147). Suenter il barschament da 1846 ha il corpus catholicum recumandau allas vischnauncas catolicas dil cantun la claustra intschendarada «in Berücksichtigung der Verdienste, welche sich das Kloster um die katholische Kantonsschule erworben hat.» (Protocol dil corpus catholicum 1843—1886 pg. 51 tier ils 7 da december 1846). Igl ei buca da surveser, che ual il surprender la scola cantunala 1833—1842 ha procurau en vasts cerchels dalla populaziun grischuna ed oravontut tier ils politichers ina engrazieivla beinvulientscha alla claustra, che ha contribuì buca pauc, da segirar l'existenza ils suondonts grevs decennis entochen alla restauraziun da 1880.

Che la scola cantunala catolica a Mustér ha muntau silmeins en biars graus ina fluriziun, vesen ins ord la zun mudesta scola *claustrala* che suonda. Da 1842 tochen igl atun 1846, pia en quater onns, dumbrein nus mo 25 scolars. Il diember po bein esser staus empau pli gronds, pertgei ils necessaris documents mauncan deno per igl onn 1845/46. Per lunsch ora ils biars eran grischuns e da quels ils biars dalla Cadi, cun excepziun da Franz Heini da val S. Pieder, Christian Cavegn da Surcuolm e Leodegar Casanova da Vrin. Dalla Italia eran Christof Gadola da Chiavenna, forsa gia naturalisau, e Giulio Cavi, bein ord la cuntrada da Belluno. Mo in dils scolars haveva gia avon giu frequentau la scola cantunala a Mustér, il Giachen Placi Livers da Breil (1841/42, 1843/46). La scola era pintga ed ei duvrava paucs paders, per ex. 1845/46 il decan P. Adalbert Baselgia per religiun ed aritmetica, P. Maurus Rothmund per religiun e clavier, P. Gregori Capeder, moderatur e prefect, per religiun, tudestg, aritmetica e geografia, P. Gallus Riedi per religiun, tudestg ed aritmetica, P.

Augustin Schuler per tudestg, talian e cant. Ei vegneva menau mo treis classas, numnadas 1. 2. e 3. classa tudestga. Ei vegneva dau ni latin ni grec ni franzos, mobein sulet tudestg, talian e romontsch arriguard lungatgs. Ei setractava pia d'ina scola reala u secundara.

Era questa mudesta scola ei vegnida sistida cul barschament dalla claustra ils 28 d'october 1846. Per suenter ina interrupziun da dus onns han ins puspei entschiet cun in niev onn da scola 1848/49. Cun agid digl uestg da Cuera e dalla Cadi ei lu puspei vegniu instituiu da 1850—1856 ina nova, pli gronda scola cun gimnasi, quasi sco in cert pendant ecclesiastic enyiers la scola cantunala da Mustér da 1833—1842 (Pareglia Bündner Monatsblatt 1970 pg. 1—63).

